

Komisioni për Mbrojtjen e Konkurrencës në mbështetje të nenit 28 dhe nenit 19 paragrafi (1) pika 2) të Ligjit për Mbrojtjen e Konkurrencës ("Gazeta zyrtare e Republikës së Maqedonisë" nr. 145/10, 136/11, 41. /2014, 53/ 16 dhe 83/18), dhe duke vepruar sipas njoftimit të përqendrimit të parashtruar nga Dr. Ing. h.c. F. Porshe Akciegezellshaft (Dr. Ing. h.c. F. Porsche Aktiengesellschaft), me seli në Porsheplatz 1, D-70435 Shtuttgart, Gjermani, përmes personit të autorizuar Bozhidar Millosheviq, avokat nga Shkupi, në seancën e mbajtur më 06.09.2023, solli:

AKTVENDIM

Vërtetohet se përqendrimi me të cilin **Dr. Ing. h.c. F. Porshe Akciegezellshaft** (Dr. Ing. h.c. F. Porsche Aktiengesellschaft), me seli në Porsheplatz 1, D-70435 Shtuttgart, Gjermani, do të fitojë kontrollin mbi Levi Reli Centar Oj (Levi Rally Center Oy), me zyrë të regjistruar në Lillukka 14, 96190 Rovaniemi, Finlandë, nëpërmjet shitblerjes së pjesëve, edhe pse është në kuadër të dispozitave të Ligjit për mbrojtjen e konkurrencës, nuk do të ketë për pasojë parandalimin, kufizimin ose çrregullimin e konsiderueshëm të konkurrencës efektive të tregut ose pjesës së tij thelbësore, sidomos si rezultat i formimit apo forcimit të pozitës dominuese të pjesëmarrësve dhe si i tillë **është në përputhje me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.**

Parashtruesi i njoftimit të përqendrimit obligohet të paguajë taksë administrative për njoftimin e përqendrimit në shumë prej 6.000,00 denarë. dhe për aktvendimin në shumë prej 30.000,00 denarë, sipas numrit tarifor 34 të Ligjit për taksë administrative (Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 dhe 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 100000000063095, llogarinë e pagesës 840.....03161, shifrën e të ardhurave dhe programin 72231300.

Padia për ngritjen e kontestit administrativ nuk e prolongon përmbarimin e aktvendimit.

Arsyetim

Në përputhje me nenit 15 të Ligjit për mbrojtjen e konkurrencës më 03.08.2023, dhe e plotësuar më 10.08.2023 te Komisioni për Mbrojtjen e Konkurrencës (në tekstin e mëtejshëm: Komisioni) është dorëzuar një njoftim i përqendrimit nga Dr. Ing. h.c. F. Porshe Akciegezellshaft (Dr. Ing. h.c. F. Porsche Aktiengesellschaft), me seli në Porsheplatz 1, D-70435 Shtuttgart, Gjermani, me anë të së cilit Dr. Ing. h.c. F. Porshe Akciegezellshaft do të fitojë kontrollin mbi Levi Reli Centar Oj (Levi Rally Center Oy), me zyrë të regjistruar në Lillukka 14, 96190 Rovaniemi, Finlandë, nëpërmjet shitblerjes së pjesëve.

Komisioni filloi me shqyrtimin e Njoftimit në ditën e pranimit të tij dhe në bazë të të dhënave të dorëzuara në Njoftimin e Përqendrimit, shtesave dhe bashkëngjitjeve në të, përcaktoi si më poshtë:

Aktivitetet themelore të biznesit të ndërmarrjeve të përfshira:

Dr. Ing. h.c. F. Porshe Akciegezellshaft është një prodhues gjerman i automobilave dhe pjesë e Grupit Volkswagen ("Grupi Volkswagen"), i specializuar në makina sportive, SUV me performancë të lartë. Grupi Volkswagen është aktiv në mbarë botën me zhvillimin, prodhimin, marketingun, dhe shitjen e makinave të pasagjereve, kamionëve të lehtë komercial, autobusëve transportues (coaches), shasi për autobusë dhe motorëve me naftë, motoçikletave, përfshi pjesë rezervë dhe pajisje shtesë për të gjitha kategoritë e automjeteve. Grupi Volkswagen është gjithashtu i përfshirë në shpërndarjen e automjeteve. Grupi Volkswagen përshin markat e automjeteve motorike Volkswagen Passenger Cars, Volkswagen Light Commercial, Porsche, Audi, Škoda, Lamborghini, SEAT, MAN, Scania dhe Ducati. Grupi Volkswagen ofron gjithashtu zgjidhje për shërbimet e lëvizshmërisë, siç janë makinat me thirrje (*ride hailing*) dhe ndarje të makinave (*car sharing*).

Grupi Volkswagen është i pranishëm në Maqedoninë e Veriut përmes shoqërive të varura të mëposhtme:

Porshe Lizing SHPKNJP Shkup, me seli në Bul. Bosnje dhe Hercegovinë nr. 3, Shkup,

- Porshe Broker SHA Shkup, me seli në Bul. Bosnje dhe Hercegovinë nr. 3, Shkup,

- Skania Macedonia SHPKNJP Ilinden, me seli në rr. 34 nr. 7 Ilinden, Shkup dhe

- Porshe Macedonia SHPKNJP Shkup, me seli në Bul. Bosnjë dhe Hercegovinë nr. 4, Shkup.

Veprimtaria prioritare e shoqërive të përmendura në Maqedoninë e Veriut është tregtia me automjete dhe lizingu financiar.

Levi Reli Centar Oj është një shoqëri me përgjegjësi të kufizuar e themeluar në vitin 2011 në Finlandë. Shoqëria operon një qendër dimërore vozitjeje dhe ofron programe vozitjeje dimërore kryesisht për klientët privatë, si dhe testime dimërore dhe ngjarje të destinuara për klientët e korporatave në Finlandë. Për sa i përket programeve të vozitjes dimërore që synojnë klientët privatë, Levi ofron eksperiencë të garave dhe sporteve motorike në shtigje akulli dhe bore për rekreacion, si dhe trajnime dimërore për vozitje të krijuara për të përmbushur nevojat e klientëve që janë përdorues normalë të rrugës, si dhe shoferë profesionistë.

Levi Reli Centar Oj nuk është aktive në Maqedoninë e Veriut dhe nuk ka gjeneruar asnjë të ardhur në tregun e Maqedonisë së Veriut.

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht përcakton se të njëjtat janë në përputhje me Ligjin për mbrojtjen e konkurrencës*, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës qenësore të tij, veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës.

Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

Udhëzim për mjetin juridik

Kundër këtij aktvendimi mund të parashtrohet padi për inicim të kontestit administrativ në Gjykatën Administrative të Republikës së Maqedonisë në afat prej 30 ditësh nga dita e dorëzimit të tij.

KRYETAR
I KOMISIONIT PËR MBROJTJEN E KONKURRENCËS
Prof. Dr. Владимир Наумовски